

新纂雲南通志卷五十二目錄

地理考三十二

古蹟五

曲靖府

麗江府

普洱府

新纂雲南通志卷五十二

地理考三十二

古蹟五

曲靖府

南寧縣

廢味縣

漢置屬益州郡蜀漢建興二年丞相亮南征改益州郡曰

建寧治味縣晉時遂為寧州治焉又蜀漢置庾降都督水經注云

建寧故郡康廣都督屯也建寧三年又分益州郡蜀志云庾降都

督治平夷蓋僑治馬忠為都督復治建寧郡味縣南中志蜀遙置

督以總攝之晉泰始中因之分立寧州也明通志在城西十五里三岔

驛唐為南寧州治故城址猶存雍正志

按元史地理志曲靖路在漢為夜郎味縣地蜀分置與古郡考漢之味縣為益州郡地不屬夜郎蜀漢時味縣不屬與古元史蓋誤景泰雲南圖經曰曲靖府漢為味縣也李元陽雲南通志同甚是

廢恭州

在城東北即隋時置古朱提之地蜀漢建興中分建寧郡

界置朱提郡及至晉時因之建興二年沒於李雄咸康五年復屬

於晉宋時仍為朱提郡齊改為南朱提郡蕭梁末廢隋改置恭州

唐武德八年改為曲州天寶末沒於蠻遷置於戎州西境明通志

道光志案恭州不在南寧縣

廢協州

在城東北古夜郎地也志云晉永嘉五年寧州刺史王遜

分牂牁朱提建寧郡立夜郎郡治漢牂牁郡之夜郎縣宋齊因之

梁末廢隋改置協州唐初因之武德八年又析置靖州天寶末俱

徙治戎州境內明通志在城東北二十里雍正志

道光志案協州不在南寧縣

同樂廢縣 在府境唐置郎州治味縣兼領同樂升麻同起新豐隴
堤泉麻六縣是也明通志

按兩漢志益州郡有同勞縣宋齊志建寧郡有同樂縣宋書五行志晉太元十四年建寧銅樂縣枯木自立同勞同樂銅樂實即一縣晉鬱寶子建寧同樂縣人碑在今曲靖城南宋鬱龍顏亦建寧同樂縣人碑在今陸涼城東南同樂多鬱姓故南中志稱同樂縣大姓鬱氏其地為今曲靖南之越州及陸良縣盤江東南景泰雲南圖經謂陸涼州乃漢之同樂縣此說得之

廢越州 在城東南十五里唐武德中置悅州治此領甘泉等六縣
後為爨蠻所據號普麼部元初置千戶所隸末迷萬戶府至元十
二年改越州隸曲靖路明洪武末廢州改置越州衛今衛裁其地
為南城村明通志

曲靖廢衛 在城西明洪武二十年建清康熙六年裁今為南寧署
清一統志

舊府治 在府南城村今遺址尚存明通志

新纂雲南通志

卷五十二 地理考三十一 古蹟五

二

太和山石 在城北二十里山多石日返照光與石相映三日必雨
道光志

雙井 在北關外一井兩竅相傳武侯所鑿雍正志

洗硯池 在城南負金山下水黑如墨古今圖書集成

井底橋 在城內火神廟街井下砌石成橋道光志

八塔 在城東五台山下相傳武侯所建雍正志

白塔 在城東南七里舊甚高今為水淤高僅二丈餘下有土塔聯

絡七座基址尚在相傳建城時造以鎮水口者道光志

南城塔 在城南二十里後街之中相傳造以鎮地脈者建時無考

道光志

四方塔 在城南二十里雅戶村後道光志

文筆塔 在城東三十里建時無考已圯清乾隆二十年南寧縣知

縣方天葆率郡人重修道光志

臨漪樓 在北城上因城為樓下瞰芰荷垂柳樓廢臺存古今圖書集成

鐘鼓樓 在府城中明洪武十一年建上有銅漏明通志

南樓 在城南重屋三層年久傾圯明宏治間同知胡光指揮李磬

重修明通志

崇孝庵 廣輿記靖難時衛卒儲福不食死妻范氏奉姑韓甚謹一

日見澗邊草類蘇蓆織以奉姑姑卒後草遂不生士人義之葺其

居為庵南寧縣志

金剛井 在城南二十里許水明如鏡中有金魚長尺餘人稱寶井

夏秋洪水暴漲井水直出其上澄清如故光緒志

霑益州

盤江廢縣 在城南九十里晉元帝末年爨亮據盤南刺史王遜討

之不克遜卒刺史尹奉募外夷刺殺亮盤南平割興古盤南地置

盤江南如南零三縣後廢址存雍正志

西平廢縣 在城東二里唐武德四年置貞觀中改名盤州元至元

十三年改霑益州領交水石梁羅山三縣明洪武十五年改遷州

治舊址存雍正志

羅山故縣 在城東南一百二十里平夷縣舊磨彌部東境夷名落

蒙山元置縣明永樂初廢址存雍正志

仙人洞 有二一在天生壩水掛珠簾中石室一在上村左里許石

樓佛像宛然仙景其深莫測霑益州志

石佛 在拱辰門外二十里九龍山下河水分流中峙一島上有巨

石卓立如人乘舟上建石佛寺益州志

石羊 在城西十里有石二形如羊益州志

雙澗 一從西北入城一從西南入城源源不竭汲飲便焉益州志

畫壁 在龍華寺中殿後壁有異人畫大士像旁列紫竹白鸚鵡清

康熙丙午燬無存益州志

神鐘 在諸天寺聲聞百里益州志

白塔 在城西五里白塔寺即今陸家寺也明時建塔於上今圯益州志

入滇第一州坊 在太平橋知州王鼎鉉建益州志

迴龍砥柱坊 在松林驛清康熙四十四年堡人琢石建典史金世

昌題其柱四界牛羊歸夕照萬家烟火樂春耕益州志

察院行署 在城中東北久廢今其址為民居呼察院街益州志

石梁廢縣 在城東五十里本磨彌部酋所居元置縣明洪武時廢

址存益州志

交水廢縣 在城南二里舊名陬籠城元至元十三年立為縣屬霑

益州明永樂初廢置交水稅課局天啟三年築城今局廢城存益州志

八塔 在城東南三十里五臺山下每塔高數尺其磚石皆有古符

篆字益州志

一花堂 在大覺庵後院清雍正間總督范承勳題益州志

月牙磬 在大覺庵相傳有遊方僧至庵上堂禮佛一擊而磬缺如

月僧請攜歸補還越三年倩人寄回擊其補處音較清越寺僧寶

之兵燹失去州人黃正昌覓歸置真武觀益州志

陸涼州

廢警縣 在城北漢時置屬於牂牁郡警音鼈地道記不郎山警水

之所出縣以水為名也後漢因之晉永嘉中改屬平夷郡宋亦屬

平蠻郡平蠻即平夷齊因之梁末廢明通志

附唐廢縣 在城東南唐為盤州治兼領平夷盤水縣後沒於蠻明通志

道光志案附唐當在貴州舊志屬陸涼恐不確

河納廢縣 在城南八十里清一統志蒙氏時嘗置陸郎縣後併於落溫部

元初置百戶至元中改為縣明初省入州明一統志

芳華廢縣 在城西四十里本落溫部之地又名部封元初置千戶

後改為縣明永樂初省入州雍正志

天花縣 在城西北六十里昔有奇花每日夜三斂三放開經數月

新纂雲南通志

卷五十二 地理考三十二 古蹟五

五

不萎因名其縣曰天花今壘尚存陸涼州志

牛山古寨 在城北隅山之半周廣數百畝壘址甚圓不知築自何

時陸涼州志

人馬奇跡 在月牙山左平石上有巨人履跡長約二尺旁有馬蹄

跡二其深大如盆西瞰之則為萬仞懸崖陸涼州志

古鐘 在小堡河灣相傳岸上有古刹因遷於州治併移鐘以舟載

之至此沈於河陸涼州志

羅平州

漏臥廢縣 漢置屬牂牁郡古漏臥國也漢武帝開西南夷乃置漏

臥縣仍授其酋長河平二年响町王禹與夜郎王興漏臥侯俞舉

兵相攻漏臥蓋介夜郎响町二邑間後漢仍為漏臥縣蜀漢屬興

古郡晉宋齊皆因之梁末廢明通志在城南八十里雍正志

按顧祖禹讀史方輿紀要云漏臥故城在今雲南羅平州李兆洛歷代地理韻編今釋同而胡鬻祥河叢考從鄒漢助鄭珍之說以為漏臥故地在廣西以上諸說不知所本然以地理審之顧李說尚不大誤蓋漏臥在响町之北夜郎之南西接漏江同並則其位置可想像得之惟漏臥既為侯國故地其疆域當不止今之羅平縣地也

方圓塔 在城西六十里龍甸村元梁王建一方一圓上有篆文雍正志

此即漢宛溫縣舊址今塔頽址存羅平州志

梁王堆 在城南二十里凡數處相傳為梁王屯糧之所雍正志

定雄廢所 在城南明萬曆十五年平者繼榮餘黨移調曲靖中左

所駐防於此賜名定雄清康熙五年省入州清一統志

士官寨 一在城北十里一在城東淑龍山林木猶存雍正志即者氏故

址羅平州志

劉將軍故壘 一在城東二十里安黑古村大道旁即明劉綎征者

新纂雲南通志

卷五十二 地理考三十一 古蹟五

六

氏屯兵處一在蘆溝溝塹方形俗名為碁盤山一在安黑古村後

山頂俗名涼馬山二壘相去三里許羅平州志

貢生州人吳尙友劉將軍遺壘

將軍威望著遐方遺壘千秋草色黃兵至未曾遺鐵矢民生早已沐冠裳熙朝廟食精靈爽報國孤忠史冊芳獨怪南人無俎豆每來憑弔倍淒涼

駐鎮營 在城外白鐵寺後守備張先聲守羅平屯兵處羅平州志

石牛角 在城南四十里地名補多雙石竝峙古今圖書集成

石船房 在城南門外路旁亂石如船清乾隆八年遊擊鍾良輔平

地鑿池就石鑿壘成船立桅建房以代迎送之所羅平州志

石虎 在城西十五里路旁倒懸崖間明通志

仙鋤 在城北三十里壁上有石若鋤橫掛古今圖書集成

金雞 在城東北三十里金雞山有石雞獨立明通志

七龍挽渡

即牂牁古郡有沙舟七橫列中流

明通志

曲水金花

在城南三十里路旁石洞中有數潭每年三月清明潭

水浮沫色分黃白金花燦爛撥之復合

明通志

龍馬跡

在城東五十里以開額村水中石上有跡與馬跡無異惟

稍大爾

羅平州志

仙人足跡

在白鐵山後石上有鞞跡深一寸長一尺

羅平州志

飛虹洞

在城北六十里小山矗立穿曲盤旋邑人萬氏建閣於上

光緒志

臥雲巖

在城北六十里萬氏園中有大樹陰翳覆壁赤如映朝霞

名人題句甚多俱刻巖石

光緒志

飛鳳飲水

在六也園亭側石高五丈宛然鳳形周身石窩雨滿頂

新纂雲南通志

卷五十二 地理考三十一 古蹟五

七

下有小泉出焉

光緒志

玉蟬流涎

在城東五十里海陵村一石色白形如蟬有泉從口中

流出郡人題曰玉蟬流涎

光緒志

石馬

有二一在騎馬山高約丈餘儼如一人騎馬鞍鐙俱備一在

曉發達村兩馬相望俗呼為牝牡馬

光緒志

觀音洞

在必密村左峭巖壁立下有石洞高敞如屋中有蓮臺塑

觀音像祀之里人所禱多著靈異巖下滴漿可供僧飲尤能愈疾

光緒志

飛雲洞

在城東五十里曉發達村右中有二石柱長三丈餘周三

寸滴水應聲若鐘磬然

光緒志

馬龍州

律高廢縣 在城東漢置後廢晉咸寧元年分建寧郡修雲俞元二
縣復立律高縣梁末廢元以其地置馬龍州雍正志

按兩漢志律高毋得賁古勝休四縣在益州郡晉書地理志律高仍在益州郡宋齊志律高在與古郡舊志不言宋齊疏矣

西安廢縣 在城東二十里晉末析律高縣地置齊曰西中縣為興

古郡治梁末廢雍正志

廢麻州 在城北里許唐貞觀二十二年置永徽二年郎州白水蠻

反寇麻州郎州都督趙孝祖討平之雍正志

廢魯婆迦嶺巡檢司 今黃土坡是馬龍州志

廢書院分司 在城南門外今駐防廳馬龍州志

廢察院署 在城北今為民居馬龍州志

義象塚 在城北關外明天啓四年安効良叛至馬龍景東士兵統

新纂雲南通志

卷五十二 地理考三十一 古蹟五

八

象馬逆戰大破之一象奮勇衝陣被流矢死巡撫王伉立碑建坊

表曰忠勇義象杜其漸義象傳碑成於天啓七年題曰義勇全城

忠烈神象之塚馬龍州志書撰名氏失考雍正志

一派西湖坊 在南城外知州夏暉立今廢馬龍州志

尋甸州

會盟處 在城東六十里關索嶺上有石標漢諸葛武侯南征會盟

處雍正志

察院廢署 在城隍廟左明永樂中建後改總兵署尋廢今為營房

尋甸州志

高山流水石 在城東六十里關下村道旁石壁上有高山流水四

字每字縱橫八尺許明木密所指揮裴希度題道光志

報喜泉 在城南月甲村過者若顧水而笑則浮漚纍纍起或取為

喜兆焉詩句州志

湧珠洞神雀 即白龍洞其水注為螳螂河源洞口有小鳥四時翔

集見水中落葉輒銜去人呼為神雀清順治十年知府鍾承祖題

額曰湧珠洞詩句州志

龍馬跡 在城北五里白龍洞石崖上詩句州志

古柏 在關嶺英烈廟前舊有二株皆千餘年物經雷火燬其一詩句州志

傳為孔明手植道光志

按今存者甚稀當係後人補植

平彝縣

舊平彝衛 明洪武十四年討越州叛酋以山勢峭險設千戶所後

新纂雲南通志

卷五十二 地理考三十一 古蹟五

九

升為衛節明一統志 在城西一里清溪河左山巔今俗名舊城山雍正志

仙台洞 在城西三里平彝縣志

白馬泉 在白馬山上石自成池廣不盈丈中涵清泉不涸不漲清

冷甘冽永留仙嶂平彝縣志

石龍 在城東南十五里滇南勝境有石龍總督郭璫見之曰此虬

也非龍也建一亭名石虬雍正志

萬里亭 在城東十五里宣威嶺滇黔交界處明景泰中巡按洪弼

立坊其上曰滇南勝境明通志

明趙士麟滇南勝境

天開勝境彩雲生金碧由來獨擅名唐代車書通詔外漢家臺沼逼昆明四時草木無寒暑萬戶桑麻絕戰爭此去漸看營舍遠登高陟岵不勝情

鬻琴碑 在城東十五里石虬亭左清乾隆二十四年邑人為縣令

孫士寅立秀山董圮撰石城孫瓊書其文剝蝕不可讀光緒志

宣威州

同竝廢縣 在城北漢時牂牁郡之屬縣也漢始平元年益州廉頭姑繒牂牁之談指同竝二十四邑三萬餘人皆叛其地大約在益州東北牂牁西南後漢仍曰同竝縣晉咸寧五年省隆和初復置屬建寧郡齊宋因之梁末廢明通志

霑益州廢署 在城內東北隅尚存遺址宣威州志

諸葛營 在城東二里一名古城相傳武侯南征每兵斗土築城屯軍於此今存雍正志

穎川營 在城東一里一名古城明穎川侯傅友德築土城駐軍今有居民十餘戶田數十畝雍正志

新纂雲南通志

卷五十二 地理考三十一 古蹟五

一〇

河東營 即安司城也清雍正四年改土歸流廢道光志

後所社學 在城西北半里址存宣威州志

白齋洞 在城東八里東山半相傳白雲和尚參禪坐化處宣威州志

仙人洞 在城西八十里地名西澤內多器具井井可觀宣威州志

桃花溪 在可渡河烏撒衛李指揮造九曲河遊玩其中今跡存宣威州志

糧堆 在城東二里世傳武侯南征至此乏糧堆土覆米於上以示有餘今遺址尚存雍正志

礮臺 在城南一百二十里可渡河南明穎川侯築以敗烏蠻者今

存雍正志

北極樓 在城內昔建以鎖風脈者今樓廢址存宣威州志

鐘鼓樓 在十字街中今頽廢無存宣威州志

麗江府

麗江縣

通安故州

元置屬麗江路

清一統志

清省入府故址在今府治東偏

讀史方輿紀要

寶山故州

在城東二百四十五里元置屬麗江路

清一統志

明因之清省

入府

麗江府志

故蘭州

在城西南三百六十里元置屬麗江路

清一統志

明洪武十五年

嘗改屬鶴慶府後仍屬麗江府

明一統志

清省入府

麗江府志

巨津故州

在城西北三百里元置屬麗江路

清一統志

明因之清省入府

麗江府志

臨西廢縣

在城西北四百六十里蠻名羅哀甸居民皆摩些二種

蠻元至元十四年置西臨縣以其西臨吐蕃故也隸巨津州明洪

新纂雲南通志

卷五十二 地理考三十一 古蹟五

一一

武十五年改屬麗江府正統二年為番人所據僅存一寨今地名

為他照和村

雍正志

廢宣撫司

在城西北三百里舊巨津州刺巴村元至元二十二年

置後移置於舊通安州之東地名三甸久廢

麗江府志

舊晏當路

在府西徼外宋寶祐初蒙古攻大理次忒列在吐蕃境

內分軍一從西道入即晏當路一從東道入路由白蠻即今姚安

府忽必烈將勁騎從中道入由越嶲渡金沙江北勝州是也

麗江府志

華馬國

即舊巨津州名昔元世祖駐蹕於此

麗江府志

明土知府木公華馬國

政暇西行華馬國鐵橋南渡石門關北來黑水通巴蜀東注三危萬里山

武侯營

在城西南一百餘里俗名白粉牆傳為武侯南征時建至

今不傾麗江府志

楊士鵬武侯營

倚山面水處人說武侯營競看烏蛇渡還超奇正兵寶弓孤月滿故壘片雲橫丞相天威在烽烟永不驚

白馬寨 在巨津州南二里唐姐羌白馬氏之裔居此明一統志

番字崖 在城西十八里芝山麓石上有番字數行墨跡如新相傳

異人麥宗手書麗江府志

芝山洞 在城北雪山山西南麓林木幽異巖畔有洞旁建解脫禪林

明熹宗賜名福國雍正志

太子洞 在雪山西北巖間相傳太子修行於此故名麗江府志

伽陀跌坐石 在刺是里西南山麓傳昔水滂不通西僧摩伽陀跌

坐石筍叢中以杖穿穴洩其水留有足印今建指雲寺於其上麗江府志

新纂雲南通志

卷五十二 地理考三十一 古蹟五

一一一

石鼓 在城西七十里金沙江邊相傳武侯南征立以鎮吐蕃雍正志石

鼓面無字明嘉靖辛酉土知府木高平吐蕃刻凱歌於其上今存

麗江府志

龍湫 在城西南十里闊數畝四畔草結履及一方三方皆動麗江府志

苦泉 有二一出吳烈山澗一出刺沙村其味微苦飲之卻疾土人

取製紫金丹麗江府志

鐵橋址 距廢津州一百三十里為南詔與吐蕃交會處鐵橋之建

或云吐蕃或云隋史萬歲及蘇榮或云南詔閣羅鳳異牟尋歸唐

時斷以絕吐蕃橋南有鐵橋城為吐蕃十六城之一嘗置鐵橋節

度於此橋所跨處穴石鋼鐵為之冬日水清猶見鐵環雍正志

佛梨 在城大西門內文昌宮前相傳二賢法王手植一榦獨出頂

結繁枝枝皆東向剖實瑩潔如酥其味異常麗江府志

忠義坊 在土通判署右高數丈通體皆石堅緻玲瓏明萬曆間木

增奉勅建麗江府志

玉音樓 在土通判署右明萬曆間土知府木增建後為祝釐所額

曰天威咫尺雄威奇麗甲於滇西麗江府志

壽星樓 在城西門外土知府木增建麗江府志

萬卷樓 在木土府署左為木氏藏書之所樓中凡宋明各善本以

數萬計羣書鈔板亦能備其大要今樓廢書亦失散間有零帙遺

於民間上印萬卷樓圖記者皆近日坊間所無道光志

望湖樓 在縣境內道光志

明土知府木公望湖樓

新纂雲南通志

卷五十二 地理考三十一 古蹟五

一三

山郭雨初收湖光迥入樓日殘漁集岸天冷雁橫秋樹響驚愁思村春急暮鷓孤吟憶王粲望斷碧雲浮

龜蛇銅鑪 在白沙里真武祠其制最古蒸香時烟從龜蛇口出冉

冉相交光緒志

五花石鑪 在東河里邯鄲寺燥濕可卜晴陰光緒志

石柱石梯 在九河里峻嶺下有石洞人跡罕至中有柱撞之成聲

光緒志

鶴慶州

廢副州 在府境元置明初省清一統志府境有廢副州及廢木按州皆元

置而元志不載明一統志

廢鶴慶所 在城北明洪武二十年建隸大理衛清康熙五年裁今

府北門月城即舊守禦所清一統志

松桂營 在城南六十里明傅友德征佛光寨駐兵於此清一統志

道光志案舊雲南通志
鶴慶府志作松貴營

諸葛寨 在城西一百四十里羅陋村武侯駐兵處雍正志

水洞 在城東十五里象眼山下即贊陀呶哆以錫杖疏漾共江水

處雍正志

龍馬洞 在觀音山驛東山下林木荆棘中鶴慶府志

觀音崖 在城西南一百二十里太平寺正殿中相傳南詔時觀音

現長者身於此鶴慶府志

象跪石 在城北八里石如狼牙昔元世祖自麗江石關乘一白象

至此象跪不行因名清一統志

大土石 在觀音山梅城石塔下出鹽水毒不可食大士鎮石於上

新纂雲南通志

卷五十二 地理考三十一 古蹟五

一四

週圍有符籙今莓苔剝蝕不可辨矣鶴慶府志

呶哆尊者愈疴石 在城南觀音山梅城石塔後高四尺許廣如之

文成五色陸離奪目其地產異草能療百病呶哆尊者因母病負

母至此於石上以錫杖拄石成臼搗之後指石出泉合之以進母

母病即愈至今石上池水不溢不竭冬夏常溫鄉人取水飲之以

祛病焉草無復有識者矣鶴慶府志

星隕石 在城西白馬廟殿中夾石形如圭方平如削出土四尺許

上有紅紋察之無纖毫斧鑿痕好事者欲窮其末掘深至丈餘方

平如一終不知其末何底鶴慶府志

飛來石 在西山廟殿內鶴慶府志

菩提井 在城西南八里迎揖村後圓六尺許世傳贊陀呶哆自西

來鄉人迎而揖之贊陀於井旁種菩提樹一株榮枯無定榮則歲

豐枯則歉鶴慶府志

一盃水 在城東南大城坡頂昔蒙氏軍過此渴甚斫地得水雍正志頂

圓尺許深如之鶴慶府志

春水 在觀音山蓮花寨之北立夏前三日出後七日止水無定所

每出時地中漉漉有聲土人循其聲掘之其水始出能除百病遠

近人競飲之數日內有鸚鵡綠斑鳩數百羣飛來飲水涸而去鶴慶府志

天生石塔 在梅城梅三百餘樹環列成城中有三石塔負山屹立

色類丹砂中立者高百尺許左右俱約高三丈中空如屋遊人攀

援而上平敞如丈室洞穴儼然如牕櫺下視梅城如坐白雲上明

楊慎題曰天生石塔又曰梅塢鶴慶府志

天光夜月 在仰止山天池寺中殿佛座下池甃以石泉甚甘冽澄

澈可鑒鬚眉每年中秋夜從池中現一月輪水漸變為碧色久之

清光自水中出一室皎然雖微物亦可辨識鶴慶府志

說石臺 在府治鶴慶府志

孫桐說石臺并序

桐山房門橫數尺潭潭心有奇石儼若人立因築臺於當戶時坐而語焉其詩曰偶上說石臺儼然賓主迭未獲南宮拜卻來生公說雲根浪不穩龍鬣怒欲疊疑是補天工墮空留一屑君眼為誰青獨立門前雪

飛白所 在府治鶴慶府志

孫桐飛白所并序

山房北有螺髻峯孤處繞宿青長羣山學人雪屑雪漫望而嘉曰既為濟勝友當獲絕奇山爰為闢廡窗築短牆構屋北向獨對一峯余往視成適春初晴夕陽半照虛空曳白飛來我所不禁心賞之謂二子曰古人愛山必得其性情之近今知二子非泛愛者

爾其詩曰誰抹佛頂青螺髻高雲許風骨儼然立一介無取與穴臆清聽生聚石君堪語雪中一個晴虛空懸玉杵殘照白俱飛儻然來我所

清涼閣 在城南一里閣下有池中壘石山前架小橋清一統志

清虛閣 在城北八里明知府馬卿建知府吳堂記閣跨白龍寺山

麗山互數十里最高一峯名金山頂下流泉注匯為白龍潭閣面

東侵水潭二丈許左洲右石清一統志

月則軒 在府治鶴慶府志

孫桐月則軒并序

月以軒名軒得乎月也軒以月則名月師乎軒也學人雪徑雪綻之始構是軒也為闢圓門期與月相等及軒成而月之來若適取以相為則凡風露之襲我衣星河之燦於天皆為自此軒出焉其詩曰依巖鑿一門奇形若太極四面山氣清有時松雲黑明月望中來如同取一則披衣風露生欹枕星河即知子貌為期獨揖混沌色

贊陀洞 在石瑤山之陰相傳贊陀嘯哆於此面壁光緒志

眠龍洞 在城西南一百二十里觀音山之龍門舍深五丈闊三丈

巖嶂岑蔚飛泉瀑布千重環繞洵為巨觀相傳明建文帝往來恆

宿於此故名光緒志

青元洞 在城北二十五里鳳凰山半高數仞寬如之可坐數百人

洞穴如窗午晴見日中有石柱大一二圍建玉皇閣於東南隅光緒志

胭脂海 在城南八十里馬耳山之南有巨津其水似脂盛出仍澄

清如常光緒志

銀河 源出山神哨水白如雪屈曲流入南甸取以釀酒劇美光緒志

劍川州

金山銀渡 二山名在城南沙溪一赤色如金一白色如銀鶴慶府志

牛魔王洞 在城西南四十里石寶山箐中洞口高七八尺水從中

流內可容數百人上有天窗亭午見日山腹處處皆空昔人書千

字於巖壁秉燭循文而入直抵山陰有竇可出否則誤投旁洞即

迷難出鶴慶府志

石佛 在城西南五十里鍾山上崖石錯落上如佛形精巧玲瓏工

於鏤琢間有斷指視之百竅皆空旁列叢石如蛙俗呼聽法蛙又

有洞名聽法傾耳洞內有聲有盤名洗頭千秋如鏡鶴慶府志

石龍 在城南五里俗傳武侯以劍斷其背寬尺許深數丈鶴慶府志

諸葛池 在城北四里清一統志諸葛坡上坡蜿蜒如虬脊稍凹有泉湧為

池方廣約十餘畝中有土隴界池為二一方一圓若圭璧然其水

清冽今盡墾為田道光志

千光如來像 在城南三里水寨村昔蒙氏征摩些渡金沙江見有

木逆流異之取以刻像號千光如來雍正志

波斯國人像 在鍾山麓螺髻短鬚披鬪挂杖鐫刻非凡手可及道光志

真武金像 在交巖場清乾隆六年水暴漲沖元都觀牆屋俱倒翌

日水退神像離舊龕數丈巋然獨存絲毫無損道光志

古城隍金像 在城東南里許邑人奉為土主迨元世祖駐蹕境內

感其靈異加勅一帶册封景帝之號舊存金像二長尺許非金非

木供廟龕中每歲八月初一日城鄉迎迓至九月乃止歲時香火

不斷道光志

按滇中土主多奉景帝一統志稱蒙氏僭封麗江雪山為北嶽元世祖封為大聖北嶽安邦景帝此為有景帝之始而張南園續錄斷景帝為蒙氏世隆然考世隆廟蓋景莊帝不曰景帝則張氏之說亦有可疑一統志於麗江北嶽廟下云相傳昔有人於山中得異石負之而歸至此重不可舉鄉人神之為立神祠云云與王驥征麓州時於大理昇一石至騰越山中石不復前之說同一奇誕殊不足信近邑人周鍾嶽撰有劍川古城隍廟楹聯云劍川乃義督故墟綿歷千年馨香弗替景帝為驛信廟號流傳百世附會滋多是周氏亦從南園之說儒者徵實因應爾也劍川奉景帝最古飲食必祭麻谷必禱然說雜出至有奉其人而不知其姓氏者若夫前志載景帝為普賢法器化身及紅袍白蟒諸說尤羌無故實不足辯矣

獅子關 在石寶山中危巖四塞紋織如螺中開一竇俯瞰百仞遊

人緣石磴迤邐上下遙矚若蟻旋明李元陽與楊慎同遊有題咏

刻於石壁道光志

石明月 在城南一百二十里橋後村崖壁有白石如輪夜間田水

映之皎若明月

鶴慶府志

巨人掌 在鍾山南二里有峻崖名金雞崖上有巨人掌跡如箕旁

有碑記年久剝落

鶴慶府志

元季海棠 在城南沙溪興教寺中兩樹花開古豔照人明楊慎偕

李元陽遊石寶山嘗憩於此題有兩樹繁華占上春眼前誰是惜

芳人之句

道光志

明李元陽海棠憶舊

太史成都楊誦仙昔遊同賦海棠篇今日重來花樹老回首春風三十年
三十年中人事改升庵琅溪皆不在縱然拈筆更題詩山水蕭條失光彩

古木 在城東桑嶺村

鶴慶府志

甄塔 在城西北二里中科山番僧摩伽陀手壘鎮水者

道光志

新纂雲南通志

卷五十二 地理考三十一 古蹟五

一八

建和山塔 在城東六里建和山巔舊有塔久圯諸生顏彬斷指為

誓募建重修

道光志

靈寶塔 在城西巖場口南詔時建清乾隆辛未地震塔倒癸卯紳

士募修

道光志

古營址 在喬后同和村北山田中方里許相傳蒙舍詔與吐蕃戰

屯兵於此酋長有禾姓者死焉時顯靈異民因祀之

光緒志

王家營 在城東五里相傳元世祖駐兵於此有前後東西諸營今

皆仍其舊名又石摩羅山頂有望哨營城北孔道有新安營亦世

祖駐兵處

光緒志

仙人洞 一在玉石河村南洞門僅容身中可坐百人有石天然如

杵白形巖溜自石杵滴於石白淙淙有聲一在雪斑山文筆峰麓

洞中可容百餘人頗幽邃溪泉出其下邑人寇司禁有遊仙人洞

記光緒志

金雞栖石 在沙溪西山麓石筍林立旁有甲子寺光緒志

大鶴池 在城西一百二十五里池周里許旁結五巒環之雪斑山

倒影其中皎白如鶴光緒志

溫泉 一在城南龍門邑古名羅尤邑一在城西一百二十里古名

求仁甸清潔溫暖侵晨白氣薰蒸盤結如蓋旭日射之爛然五色

疥癩者浴之輒愈二泉此盈彼涸歷驗無爽光緒志

波羅泉 在城西四十里許波羅岡頂泉深盈尺澄澈甘冽旁無草

木四時不涸溢能資百人飲光緒志

沙坪飛瀑 在喬后沙坪場山中懸岩飛瀑一落百尺夏秋則白雨

新纂雲南通志

卷五十二 地理考三十一 古蹟五

一九

灑珠冬春則清流如練亦奇觀也光緒志

佛都 在雪斑山觀音峰麓有三石塔不詳建自何代中塔高三丈

許周丈餘左右二塔高二丈許周五尺旁有三石狀如獅子古名

佛都道光志

玉筍塔 在沙溪南龜山上堪輿家以山缺陷因造塔以培風脈光緒志

石龍岡塔 在城西一百二十五里石龍岡頂卓立如筆光緒志

中甸廳

觀音巖 一在城南二百里北倚懸巖南環深箐鑿山開路遊人迤

邐上下名曰十二闌干一在達林村南五里江邊巖中有石波羅

吹之則鳴上有寺名觀音寺寺內有樓光緒志

仙人洞 一在城西十五里龍哨山洞懸山腰奇石玲瓏林木幽異

信佛者多潛修於此一在城北一百五十里克吐山高十餘丈洞中有石佛石鼓石驪石柱遊人絡繹不絕云光緒志

祖師洞 在城東二百四十里相傳昔有僧自西域來坐禪面壁十年飛昇人呼為祖師洞光緒志

巖魚洞 在城南三十里洞中通細流常有魚出其中能出而不能

返光緒志

翠崖亭 在城北三里四壁矗立兩水環繞松竹掩映春夏之交奇花獻瑞百鳥爭鳴游其上者不覺心曠而神怡通判謝聖綸題曰

翠崖光緒志

普洱府

寧洱縣

新纂雲南通志

卷五十二 地理考三十一 古蹟五

一一〇

舊車里軍民宣慰司 在城南七百四十五里古產里地呂覽伊尹

四方獻令曰產里以象齒短狗獻後周公作指南車導之歸故名

車里清一統志車里為倭泥貂黨蒲刺黑角諸種族雜居不通中國元大

德中置撒里軍民總管府明改車里軍民宣慰司清雍正七年改

土歸流分車里司所轄江內六版納思茅普藤整董猛烏六大茶

山橄欖壩置普洱府其餘江外六版納仍隸車里而改屬於普洱

府道光志

小徹里 在車里宣慰司東即小車里也清一統志車里別部曰小車里明

嘉靖間車里附於緬外有二宣慰司在大車里者應緬在小車里

者應漢明一統志

耿凍路 在車里宣慰司境清一統志元時徹里軍民總管府領六甸後又

置耿凍路頤耿當孟弄二州

明一統志

龍虎地 在城北三里迤邐南來氣象萬千

節雍正志

孟遠箐 在車里宣慰司東南又有孟累箐在司西慢法箐在司西

北皆車里別部

清一統志

祭鑼洞 在莽芝山半石洞中有銅鑼一匡郭剝蝕夷人每於春耕

時取鑼祭之祭畢仍置故處秋時再祭則年穀豐稔或不誠歲即

歉相傳武侯所遺迄今奉為神物

雍正志

插劍石 在城東七十里義正里石岸上有劍插入石中可搖不可

拔亦不詳其所自

道光志

六茶山遺器 俱在城南境舊傳武侯遍歷六山留銅鑼於攸樂置

鑄於莽芝埋鐵磚於蠻崙遺木柶於倚邦埋馬鐙於革登置撒袋

新纂雲南通志

卷五十二 地理考三十一 古蹟五

一一一

於慢撒因以名其山又莽芝有茶王樹較五山茶樹獨大相傳為

武侯遺種今夷民猶祀之

雍正志

石巖石堆 巖在坤戛堆在黃草壩相距五里許

道光志

孔明塔 有二一在九龍山之西南接莽屬孟良界高十丈許相傳

為孔明所建有塔倒歸流之識一在九龍江之南六里許高十丈

餘相傳亦武侯所建旁有樹一株名萬年青玲瓏環抱最為奇異

塔後即武侯立營處

雍正志

祭風臺 在城南六茶山之中登其上可俯視諸山俗傳武侯於此

祭風又呼為孔明山

雍正志

思茅廳

千歲潭 在習冷河水極幽深昔永明王入緬至此為流寇所窺遂

棄輜重於潭內因名曰千歲潭

道光志

斑鳩坡 普洱入思茅古道甚險清康熙二十年車里有象出普夷

人迹之自普而返象從一高嶺奔行人步追之遂成通道今名斑

鳩坡普藤河畔有象足跡大如斗

光緒志

威遠廳

天成洞 距城北二十里宣化鄉地舊無水源清雍正七年忽大雷

雨山頂洞開洪濤奮怒有巨石如屋者滾滾西下水從流之越七

八里與海子通由是開墾成田

道光志

鳳凰巖 距城二百里猛斑地界兩巖相對恰如雙鳳故一名鳳巖

高不可攀一名鳳巖有鳥道可通好事者循登其頂見鳳巖上有

古洞洞有石几上列書一卷劍一柄朗然在目

道光志

虎石 在城北三十里景谷抱井二河交流處有石如踞虎高數尺

水泛不能沒

道光志

古鐘 在元龍古寺闊二十四圍高九尺許環鈕蛟形古色斑爛其

聲甚洪聞二十里外

道光志

古鑪 在佑聖宮鑄於清初鏡口磬腹兩翅三足斑痕絢爛

道光志

他郎廳

恭順故州 在元江府城西南一百四十里明初改他郎寨土司為

恭順州清順治十八年省入府雍正十一年以府通判駐其地

清一統志

即今通判治址存

雍正志

道光志案今改屬普洱府

青烟古洞 在城西五里

他郎廳志

龍泉 在城南五里筆架山下有龍潭泉湧如珠他郎志

石烟 在治西南一百六十里下左村石坳中通一竅極深有烟裊

裊四時不絕雍正志

香樹梁 在至聖廟道光志

寧州劉大紳至聖廟香樹梁歌并序

他郎舊隸元江今改隸普洱局於例不得有至聖廟歲庚辰士子金棠等出私財翫建焉求棟梁山中久弗獲一日球香簪土人以大木告則球香樹也球香玲瓏如繡球狀而香凡潤整不經見獨此簪有之地因以得名率工往度之干霄蔽日莫可仰視蓋千百年物也咸色然駭俄而風作異香撲鼻不止伐之鏗鏗作金石聲其長為丈者九其圍為尺者八竟體皆馬尾紋丁香節斑斕異彩四旁羅列數十株如兒孫然拔其尤者皆可用於是廟堂以成然其地東距城僅七里許耳數百年來官舍巫祠繁縟相望顧何以棄置不用得長留至今也豈所謂材大者難為用耶抑物之用舍有時非其時則不出人亦不以告耶夫士亦若是也已段生思誠徵詩於余因敬而歌之嗚呼視漢柏梁為何如也歌曰夫子廟堂滿天下香樹棟梁世間寡他郎僻在西南陬自古無人覆片瓦一祠有無非重輕聖道日月昭昭行通經諸生獨太息仙宮梵院何縱橫深林夜聞鬼神哭處處榱桷杌梓香風吹來絲竹聲匠氏山中顧大木從來小柱如卑人無端粉飾空斑璘一朝腐朽即崩墜檐楹悲角啼齋酸辛諸生仰行在闕里宮牆巍峨到天止萬人奔走羣山開繁長九丈圍十尺遙想夫子初生日多應此木雙葉披雨風露霜歷千古材大難用今用之得傍門庭幸不朽平臨烟雲直摩斗甘心裁成繩墨間肯作青牛入水吼